

Succedunt serie numerosa & divite pupæ,
Compositiq; sacro detonsi vertice crines,
Virginæ quos sæpe manus damnata tulerunt
Cyprigenæ nostræ gratissima vota Dionæ.

Post hæc consuetis subit ille exercitus armis,
Militiæ genus omne sacræ, gens Martia DIVÆ,
Mollia qui Veneris laudato castra secuti
Auspicio fortis meruerunt præmia dextræ,
Et quorum spectata fides, & cognita virtus
Ivit adornatum lati moderamina regni.
Hæc lepidi veniunt Herôes, numina parva,
Qui teneri Idaliæ Dominæ famulantur Amores,
Insignes animæ, præfecti cypridos aulæ,
Et qui se comites istis iunxere tribuni,
Ingenui vates, lectissima pectora Divæ.
Prima Ducum insignis graditur spectanda corona,
Bis bini; tuus ille tener bona Lesbia frater,
Tum Messalla tuum decus, & tua Delia vita,
Callimachusq; alter Latius, Nasoq; venustæ
Neqvitiæ pater ille miser, cor mite Dionæ.
Et qui se sociare recens, bonus ille Secundus,
Stroziadæq; duo, cultiq; Lotichius oris,
Quosq; alios plures jam nostrum dicere non est,
Omnes Idaliâ redimiti tempora myrto,
Omnes & manibus soliti prætere myrtum.

Tum verò Generosorum *Illustrissimum Amantum*
PAR subit, Egregii causa & decus omne triumpho,
Illi